



Broj: 02-50-1-16-22/08

Sarajevo: 27.10.2008. godine

ZAPISNIK

22. sjednice Doma naroda Parlamentarne skupštine Bosne i Hercegovine, održane 27.10.2008.godine

Sjednica je počela u 11 sati.

Sjednicom je predsjedavao Ilija Filipović, prvi zamjenik predsjedavajućeg Doma naroda Parlamentarne skupštine BiH.

Sjednici je prisustvovalo 13 delegata.

Delegat Mladen Ivanić i Dušanka Majkić opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda usvojio je sljedeći izmijenjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 21. sjednice Doma naroda;
3. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga zakona o izmjenama i dopunama Zakona o zaštiti prava pripadnika nacionalnih manjina po hitnom postupku, u skladu s članom 122. Poslovnika;
4. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga odluke o izmjenama i dopunama Odluke o osnivanju Vijeća nacionalnih manjina BiH po hitnom postupku, u skladu s članom 122. Poslovnika;
5. Prijedlog zakona o izmjenama i dopunama Zakona o carinskoj politici BiH (drugo čitanje), predlažać: Vijeće ministara BiH;
6. Prijedlog zakona o izmjenama i dopunama Zakona o sportu u BiH (prvo čitanje), predlažać: Ustavnopravna komisija;
7. Prijedlog zakona o programu zaštite svjedoka u BiH (prvo čitanje), predlažać: Vijeće ministara BiH;
8. Prijedlog zakona o genetski modificiranim organizmima (prvo čitanje), predlažać: Vijeće ministara BiH;
9. Prijedlog zakona o izmjeni Zakona o klasifikaciji djelatnosti u BiH (prvo čitanje), predlažać: Vijeće ministara BiH;
10. Prijedlog zakona o izmjenama i dopunama Zakona o proizvodnji naoružanja i vojne opreme (prvo čitanje), predlažać: Vijeće ministara BiH;
11. Prijedlog zakona o popisu stanovništva i domaćinstava u BiH 2011. godine (prvo čitanje), predlažać: delegat Slobodan Šaraba, s Mišljenjem Ustavnopravne komisije a povodom razmatranja ustavnog osnova i principa navedenog zakona;

12. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period 1.9.2007. do 29.2.2008.;
13. Prijedlog zaključaka s 10. plenarne sjednice oba doma Parlamentarne skupštine BiH, održane 30. 7. 2008., u vezi sa ispunjavanjem obaveza iz Sporazuma o stabilizaciji i pridruživanju;
14. Informacija o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine;
15. Razmatranje mogućnosti za nastavljjanje procedure imenovanja ombudsmena za ljudska prava BiH i zamjenika generalnog revizora iz bošnjačkog naroda;
16. Davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine;
17. Davanje saglasnosti za ratifikaciju Sporazuma između Bosne i Hercegovine i Kraljevine Danske o olakšicama kod izdavanja viza;
18. Davanje saglasnosti za ratifikaciju Sporazuma između Bosne i Hercegovine i Kraljevine Norveške o olakšicama kod izdavanja viza;
19. Davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koji predstavlja Ministarstvo zdravlja, u vezi s određenim pravima korištenja AR – DRG sistema klasifikacije;
20. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za pretpristupnu pomoć – Komponenta II prekogranična saradnja;
21. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenata za pretpristupnu pomoć – Komponenta II prekogranična saradnja;
22. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija;
23. Davanje saglasnosti za ratifikaciju Konvencije o dostavljanju u inozemstvu akata u građanskim i trgovačkim stvarima – Hag, 15. novembra 1965.;
24. Davanje saglasnosti za ratifikaciju Konvencije o pribavljanju u inozemstvu dokaza u građanskim i trgovačkim stvarima – Hag, 18. marta 1970.;
25. Davanje saglasnosti za ratifikaciju Sporazuma o izmjenama i dopunama broj 1 na Ugovor o zajmu od 1. augusta 2006. između Bosne i Hercegovine i Evropske banke za obnovu i razvoj – Projekat upravljanja zračnim saobraćajem;
26. Davanje saglasnosti za ratifikaciju Sporazuma o zajmu, finansiranju i projektu između KfW Frankfurt na Majni i Bosne i Hercegovine i Elektroprivrede Hrvatske zajednice Herceg-Bosna (EPHZHB) – Obnova Hidroelektrane Rama;
27. Davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u Jugoistočnoj Evropi;
28. Davanje saglasnosti za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
29. Davanje saglasnosti za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
30. Davanje saglasnosti za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

Ad.1. Odgovori na delegatska pitanja i delegatska pitanja

Delegat Ilija Filipović dobio je odgovor na pitanje postavljeno na 21. sjednici i izjasnio se da nije njime zadovoljan.

Delegat Hilmo Neimarlija postavio je sljedeće pitanje Zajedničkom kolegiju oba doma Parlamentarne skupštine BiH:

„Jedna odluka PSBiH nedavno je u političkoj emisiji jednog od javnih emitera proglašena zločinom. U jezicima konstitutivnih naroda Bosne i Hercegovine riječ zločin označava najteže krivično djelo za koje se počinioci podvrgavaju sudskom postupku i primjerenoj kazni. Od Zajedničkog kolegija oba doma PSBiH tražim odgovor na pitanje - šta je preduzeto i šta će biti preduzeto spram ovog najtežeg mogućeg javnog kvalificiranja regularne odluke najvišeg zakonodavnog organa u našoj zemlji.

Kad ovo tražim, imam u vidu obavezu Zajedničkog kolegija da brine o zaštiti normi i procedura zakonitog rada Parlamentarne skupštine BiH i obavezu Parlamentarne skupštine BiH da štiti osnovne principe parlamentarnog političkog pluralizma na kojima počiva politički sistem Bosne i Hercegovine kao pravne države. Ovakvim proizvoljnim i brutalnim pokušajima diskvalificiranja skupštinskih zakona, kojima se vjerovatno želi što direktnije pomoći jednoj stranačkoj i političkoj opciji na račun drugih stranačkih i političkih opcija u Parlamentarnoj skupštini BiH, obesmišljavaju se temelji parlamentarne demokratije i zakonitog rada državnih institucija, a politički život u Bosni i Hercegovini ruši se ispod razine na kojoj je bio u vrijeme jednopartijskog političkog sistema. Premda to nije bio stvarni politički život, jer pravog političkog života nema tamo gdje jedna stranka ima vlast, tada se neslaganje s vladajućom politikom nije javno proglašavalo zločinom već se njegove zastupnike oglašavalo reakcionarima, zastupnicima nazadnih ideologija i neprijateljima jedine ispravne politike.

Uz sve to, proizvoljna medijska karakteriziranja zakonskih akata kao zločina, pogotovo od strane javnog emitera, danas objektivno doprinosi relativiziranju zločina koji su počinjeni u Bosni i Hercegovini i od kojih mnogi još nisu procesuirani“.

Delegat Adem Ibrahimpašić postavio je sljedeće pitanje Vijeću ministara BiH:

„Prije nekoliko mjeseci na moje pitanje zašto se ne izmjeni Zakon o akcizama za duhan i duhanske prerađevine i usaglasi sa istim takvim zakonom u Republici Hrvatskoj odgovoreno mi je nakon četiri mjeseca čekanja da za to nema političke volje.

Danas pitam da mi se objasni šta znači to - nema političke volje i kome ta politička volja nedostaje“

Delegat Sulejman Tihić postavio je sljedeće pitanje Vijeću ministara BiH i Predsjedništvu BiH:

„Šta su Predsjedništvo BiH i Vijeće ministara BiH uradili i šta dalje namjeravaju raditi na poboljšanju bilateralnih odnosa s našim susjedima – Republikom Srbijom i Republikom Hrvatskom? U tom kontekstu konkretno nas interesira dokle su došle procedure potpisivanja sporazuma o granicama, te šta se radi na usaglašavanju stavova?

Šta je sa sporazumom o imovinsko-pravnim odnosima s ovim državama, posebno s Republikom Hrvatskom, kada se zna da je Vlada Republike Hrvatske prihvatila prijedlog ovog sporazuma?. Zašto su već gotovo dvije godine bilateralni odnosi s Republikom Srbijom svedeni na nivo otparnika poslova, odnosno zašto Bosna i Hercegovina još uvijek nema ambasadora u Srbiji?

Opći utisak je da su odnosi sa Srbijom svedeni na posebne/ specijalne odnose Srbije i entiteta RS-a“?

Delegat Slobodan Šaraba postavio je sljedeće pitanje Vijeću ministara BiH, Uredu visokog predstavnika u BiH i Zajedničkoj komisiji za ljudska prava, prava djeteta, mlade, imigraciju, izbjeglice azil i etiku Parlamentarne skupštine BiH:

“Kada će odluke koje je proglasio Visoki predstavnik u BiH, a kojima su ljudima oduzeta ili ograničena osnovna ljudska i građanska prava biti ukinute s obzirom da je od trenutka njihovog donošenja prošao duži vremenski period (od 10 godina do 3-4 godine), a protiv smijenjenih ljudi nisu pokrenuti nikakvi postupci niti donesene sankcije.

Obrazloženje :

Ured visokog predstavnika do sada je donio preko 150 odluka kojima su smijenjeni ljudi i oduzeta im osnovna ljudska i građanska prava (npr. pravo na pravično suđenje, pravo da se smatraju nevinim sve dok u sudskom postupku ne budu oglašenim krivim za djela koja su u zakonu predviđena kao krivična i na sankcije koje su u zakonu određene kao krivične sankcije, pravo na efikasan pravni lijek, pravo da se ne bude podvrgnut diskriminaciji i dr.), politička (npr. pravo na političko organiziranje, pasivno biračko pravo i dr.) ekonomska (npr. pravo na rad, pravo na jednak pristup javnim službama i zaposlenje u njima i dr.) i socijalnih prava (npr. pravo na socijalnu pomoć za vrijeme nezaposlenosti, pravo na zdravstveno osiguranje, pravo na penzijsko osiguranje i dr.) gubitka građanske časti (gubitak univerzitetskih zvanja i karijera, službeničkih zvanja i karijera i dr). I više od toga, oduzeto im je pravo da koriste bilo kakav pravni lijek protiv takvih odluka. Oduzeto im je pravo na naknadu materijalne i nematerijalne štete koja im je takvim postupanjem pričinjena. Njihovo ljudsko i građansko dostojanstvo je napadnuto.

Njihova krivica ni danas nije dokazana ni javno obrazložena, na način na koji to zahtijeva pravo. Politička obrazloženja koja smo čuli nisu dovoljna.“

Ad.2. Usvajanje Zapisnika 21. sjednice Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zapisnik 21. sjednice Doma naroda.

Ad.3. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga zakona o izmjenama i dopunama Zakona o zaštiti prava pripadnika nacionalnih manjina po hitnom postupku, u skladu s članom 122. Poslovnika

Rasprava o ovoj tački dnevnog reda nije vođena.

Dom naroda jednoglasno je usvojio da se Prijedlog zakona o izmjenama i dopunama Zakona o zaštiti prava pripadnika nacionalnih manjina razmatra po hitnom postupku, nakon čega je Zakon o izmjenama i dopunama Zakona o zaštiti prava pripadnika nacionalnih manjina jednoglasno usvojen.

Ad.4. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga odluke o izmjenama i dopunama Odluke o osnivanju Vijeća nacionalnih manjina BiH po hitnom postupku, u skladu s članom 122. Poslovnika

Rasprava o ovoj tački dnevnog reda nije vođena.

Dom naroda jednoglasno je usvojio da se Prijedlog odluke o izmjenama i dopunama Odluke o osnivanju Vijeća nacionalnih manjina BiH razmatra po hitnom postupku, nakon čega je Odluka o izmjenama i dopunama Odluke o osnivanju Vijeća nacionalnih manjina BiH jednoglasno usvojena.

Ad.5. Prijedlog zakona o izmjenama i dopunama Zakona o carinskoj politici BiH (drugo čitanje), predlažać: Vijeće ministara BiH

U raspravi o ovoj tački dnevnog reda učestvovala je Alma Čolo.

Dom naroda jednoglasno je usvojio Zakon o izmjenama i dopunama Zakona o carinskoj politici BiH u identičnom tekstu kao i Predstavnički dom.

Ad.6. Prijedlog zakona o izmjenama i dopunama Zakona o sportu u BiH (prvo čitanje), predlagač: Ustavnopravna komisija

U raspravi o ovoj tački dnevnog reda učestvovali su: Ivo Miro Jović, Hazim Rančić, Božo Rajić, Alma Čolo, Branko Zrno i predstavnik predlagača Sredoje Nović.

Dom naroda jednoglasno je usvojio u prvom čitanju Zakon o izmjenama i dopunama Zakona o sportu u BiH.

Ad.7. Prijedlog zakona o programu zaštite svjedoka u BiH (prvo čitanje), predlagač: Vijeće ministara BiH

U raspravi o ovoj tački dnevnog reda učestvovali su: Zoran Koprivica, Branko Zrno, Ivo Miro Jović, Slobodan Šaraba, Alma Čolo, Rudo Vidović i predstavnik predlagača Damir Vejo.

Nakon što je u Kolegiju postignuta saglasnost, jer Dom naroda, s deset glasova „za“ i tri glasa „protiv“, zbog nepostojanja entitetske većine, nije usvojio Prijedlog zakona u prvom čitanju, pristupilo se drugom krugu glasanja. U drugom krugu glasanja, 2/3 prisutnih delegata nije bilo "protiv" pa je samim tim Prijedlog zakona o programu zaštite svjedoka u BiH usvojen u prvom čitanju.

Ad.8. Prijedlog zakona o genetski modificiranim organizmima (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda je u prvom čitanju, s 11 glasova „za“ i jednim „suzdržanim“ glasom, usvojio Prijedlog zakona o genetski modificiranim organizmima.

Ad.9. Prijedlog zakona o izmjeni Zakona o klasifikaciji djelatnosti u Bosni i Hercegovini (prvo čitanje), predlagač: Vijeće ministara BiH

Nije bilo rasprave o ovoj tački dnevnog reda.

Dom naroda jednoglasno je u prvom čitanju usvojio Prijedlog zakona o izmjeni Zakona o klasifikaciji djelatnosti u BiH.

Ad.10. Prijedlog zakona o izmjenama i dopunama Zakona o proizvodnji naoružanja i vojne opreme (prvo čitanje), predlagač: Vijeće ministara BiH

Rasprava o ovoj tački dnevnog reda nije vođena.

Dom naroda jednoglasno je u prvom čitanju usvojio Prijedlog zakona o izmjenama i dopunama Zakona o proizvodnji naoružanja i vojne opreme.

Ad.11. Prijedlog zakona o popisu stanovništva i domaćinstava u Bosni i Hercegovini 2011. godine (prvo čitanje), predlagač: delegat Slobodan Šaraba, s Mišljenjem Ustavnopravne komisije a povodom razmatranja ustavnog osnova i principa navedenog zakona

U raspravi o ovoj tački dnevnog reda učestvovali su: Slobodan Šaraba, Božo Rajić, Alma Čolo, Branko Zrno, Rudo Vidović, Drago Ljubičić i Ivo Miro Jović.

U drugom krugu glasanja, Dom naroda je, s tri glasa „protiv“, usvojio Izvještaj nadležne komisije koja nije prihvatila principe predloženog zakona, pa je samim tim Prijedlog zakona pao.

Ad.12. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period 1.9.2007. do 29.2.2008.

U raspravi o ovoj tački dnevnog reda učestvovali su Branko Zrno i Slobodan Šaraba.

Dom naroda je, s 12 glasova „za“ i jednim glasom „protiv“, usvojio Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.9.2007. do 29.2.2008., kao i zaključak sadržan u Mišljenju Zajedničke komisije:

„Budući da je Izvještaj ponovo dostavljen uz znatno kašnjenje, izražava se nezadovoljstvo zbog nepoštivanja rokova za izvještavanje od nadležnih institucija, što je neophodno promijeniti u narednom periodu, tako što će za svaki izvještajni period biti obavezno dostavljanje izvještaja u parlamentarnu proceduru u roku od 60 dana nakon isteka izvještajnog perioda.“

Ad.13. Prijedlog zaključaka s 10. plenarne sjednice oba doma Parlamentarne skupštine BiH, održane 30. 7. 2008., u vezi sa ispunjavanjem obaveza iz Sporazuma o stabilizaciji i pridruživanju

Rasprava o ovoj tački dnevnog reda nije vođena.

Dom naroda je, na prijedlog Zajedničke komisije za evropske integracije, koja je razmatrala zaključke predložene na 10. plenarnoj sjednici oba doma Parlamentarne skupštine BiH, održane 30.7.2008., u vezi s realizacijom obaveza iz Sporazuma o stabilizaciji i pridruživanju, usvojio sljedeće zaključke sadržane u Mišljenju Komisije:

1. Parlamentarna skupština BiH zadužuje Vijeće ministara BiH da, najkasnije u roku od 30 dana, Predstavničkom domu i Domu naroda dostavi na razmatranje Akcioni plan za ispunjenje obaveza iz Privremenog sporazuma i Sporazuma o stabilizaciji i pridruživanju, s detaljnim mjerama, preciznim rokovima i nadležnim izvršiocima, te sa institucionalnim pretpostavkama koje treba stvoriti za realizaciju tih obaveza.
2. Parlamentarna skupština BiH usvojiti će dio Akcionog plana koji se odnosi na ispunjavanje dijela obaveza iz SSP-a koje su u nadležnosti institucija BiH. Parlamentarna skupština BiH poziva entitetske parlamente da usvoje Akcioni plan ispunjavanja obaveza iz SSP-a za koje su nadležne entitetske institucije.
3. Parlamentarna skupština BiH zadužuje Vijeće ministara BiH da, najkasnije u roku od 30 dana, Predstavničkom domu i Domu naroda dostavi na razmatranje Akcioni plan za realizaciju prioriteta iz Evropskog partnerstva s Bosnom i Hercegovinom, sa posebnim mjerama, preciznim rokovima i konkretnim izvršiocima.
4. Parlamentarna skupština BiH zadužuje Vijeće ministara BiH da Predstavničkom domu i Domu naroda tromjesečno podnosi izvještaj o realizaciji akcionih planova iz tač. 1. i 3., a ažurirani plan jednom godišnje.
5. S ciljem efikasnijeg rada i korištenja raspoloživih kadrova, oba doma Parlamentarne skupštine BiH izmijenit će svoje poslovničke u smislu objedinjavanja posebnih komisija u zajedničke, gdje je to moguće, i skraćivanja zakonodavne procedure za zakone povezane s evropskim integracijama.
6. Parlamentarna skupština BiH poziva Evropsku zajednicu da Bosni i Hercegovini, Crnoj Gori, Srbiji i Albaniji što prije dodijeli status kandidata i otvori pregovore o članstvu, što bi pospješilo daljnje reformske aktivnosti i regionalnu saradnju te ubrzalo put ovih zemalja k članstvu u EU.

Ad.14. Informacija o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine

U raspravi o ovoj tački dnevnog reda učestvovali su: Slobodan Šaraba, Hazim Rančić i Alma Čolo.

Dom naroda jednoglasno je primio k znanju Informaciju o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine sa sljedećim zaključcima:

„Dom naroda obavezuje Ustavnu pravnu komisiju da učestvuje u proširenoj (javnoj) raspravi, te da, nakon njenog završetka, dostavi Domu naroda njene rezultate radi informiranja“.

„Dom naroda Parlamentarne skupštine BiH traži da Visoko sudsko i tužilačko vijeće BiH ispita slučajeve procesuiranja krivičnih djela nasilja u porodici a u skladu s Informacijom Ministarstva sigurnosti BiH, broj:06-04-10-3968/08, od 18.9.2008., posebno sa aspekta neefikasnog procesuiranja ovih krivičnih djela od Kantonalnog tužilaštva u Sarajevu (strana 10. Informacije), te da, u skladu s tom analizom, preduzmu odgovarajuće mjere s ciljem zaštite žrtava ovih krivičnih djela i poštivanja prava na suđenje u razumnom roku iz člana 6. Evropske konvencije o zaštiti ljudskih prava i osnovnih sloboda“.

Ad.15. Razmatranje mogućnosti za nastavljjanje procedure imenovanja ombudsmena za ljudska prava BiH i zamjenika generalnog revizora iz bošnjačkog naroda

U raspravi o ovoj tački dnevnog reda učestvovali su: Slobodan Šaraba, Alma Čolo i Božo Rajić.

Dom naroda je, s devet glasova „za“ i tri glasa „protiv“, usvojio zaključak da se pristupi postupku usuglašavanja različitih odluka Predstavničkog doma i Doma naroda koji glasi:

1. S obzirom da ovo pitanje nije regulirano Poslovníkom, Dom naroda, u skladu s članom 158. Poslovníka, pristupa postupku usaglašavanja različitih odluka.
2. U tu svrhu Dom naroda imenovat će po tri člana u zajedničku komisiju za usaglašavanje.

Dom naroda imenovao je po tri člana u zajedničku komisiju oba doma, i to:

- u Zajedničku komisiju radi usaglašavanja imenovanja ombudsmena za ljudska prava BiH imenovani su: Hazim Rančić, Branko Zrno i Drago Ljubičić.
- u Zajedničku komisiju radi usaglašavanja imenovanja zamjenika generalnog revizora iz bošnjačkog naroda imenovani su: Alma Čolo, Ivo Miro Jović i Drago Ljubičić.

Ad.16. Davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine

U raspravi o ovoj tački dnevnog reda učestvovali su: Osman Topčagić, direktor Direkcije za evropske integracije, i delegat Ivo Miro Jović.

Dom naroda jednoglasno je dao saglasnost za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine.

Ad.17. Davanje saglasnosti za ratifikaciju Sporazuma između Bosne i Hercegovine i Kraljevine Danske o olakšicama kod izdavanja viza

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Kraljevine Danske o olakšicama kod izdavanja viza.

Ad.18. Davanje saglasnosti za ratifikaciju Sporazuma između Bosne i Hercegovine i Kraljevine Norveške o olakšicama kod izdavanja viza

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Kraljevine Norveške o olakšicama kod izdavanja viza.

Ad.19. Davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koji predstavlja Ministarstvo zdravlja, u vezi s određenim pravima korištenja AR – DRG sistema klasifikacije

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koju predstavlja Ministarstvo zdravlja, vezano za određena prava korištenja AR – DRG sistema klasifikacije.

Ad.20. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za pretpristupnu pomoć – Komponenta II prekogranična saradnja

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za pretpristupnu pomoć – Komponenta II prekogranična saradnja.

Ad.21. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenata za pretpristupnu pomoć – Komponenta II prekogranična saradnja

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenata za pretpristupnu pomoć – Komponenta II prekogranična saradnja.

Ad.22. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija

Ad.23. Davanje saglasnosti za ratifikaciju Konvencije o dostavljanju u inozemstvu akata u građanskim i trgovačkim stvarima – Hag, 15. novembra 1965.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije o dostavljanju u inozemstvo akata u građanskim i trgovačkim stvarima, Hag, 15. novembra 1965.

Ad.24. Davanje saglasnosti za ratifikaciju Konvencije o pribavljanju u inozemstvu dokaza u građanskim i trgovačkim stvarima – Hag, 18. marta 1970.

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Konvencije o pribavljanju u inozemstvu dokaza u građanskim i trgovačkim stvarima, Hag, 18. marta 1970.

Ad.25. Davanje saglasnosti za ratifikaciju Sporazuma o izmjenama i dopunama broj 1 na Ugovor o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o izmjenama i dopunama broj 1 na Ugovor o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem.

Ad.26. Davanje saglasnosti za ratifikaciju Sporazuma o zajmu, finansiranju i projektu između KfW Frankfurt na Majni i Bosne i Hercegovine i Elektroprivrede Hrvatske zajednice Herceg-Bosna (EPHZHB) – Obnova Hidroelektrane Rama

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma o zajmu, finansiranju i projektu između KfW Frankfurt na Majni i Bosne i Hercegovine i Elektroprivrede Hrvatske zajednice Herceg Bosne (EP HZHB) – Obnova Hidroelektrane Rama.

Ad.27. Davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u Jugoistočnoj Evropi

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u Jugoistočnoj Evropi.

Ad.28. Davanje saglasnosti za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti.

Ad.29.Davanje saglasnosti za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti.

Ad.30.Davanje saglasnosti za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

Sjednica je završena u 14,19 sati.

Sastavni dio ovog zapisnika je neautorizirani transkript 22. sjednice Doma naroda.

**SEKRETAR
DOMA NARODA**
Marin Vukoja

**PRVI ZAMJENIK
PREDSJEDAVAJUĆEG
DOMA NARODA**
Ilija Filipović, dipl.iur